

樽菴詩

卷之三



桴庵詩目次卷之三

五言律

眷阻二首

卽事

初度二首

歲晏有懷

報國寺市

禁城後看度冰車



除日立春

故園

瞻拜

土地廟賽代男女口占

定府街

堆雲橋

歲杪齋中盆梅盛開

守歲二首

元日三首

元日正陽門關帝廟

人日初見月同芝三飲坦公齋

寒日二首

遊西山甫出郊外途中口占

慈壽寺

石經山

石經山絕頂塔院

戒壇

戒壇聽僧言感事

洪光寺

宮主出家寺中香火甚盛

五日飲城南湖亭同玉調坦公環中平侯

卽席賦三首

立秋日汪園登眺九首

得四弟商州家信二首

寄四弟問商山之勝

四弟書中極言殘郡之苦自矢一錢詩以
堅之

八月初七日爲錢孺人誕辰二首

讀丁野鶴化人遊傳奇二首

憲石初度二首

次兒歲生誕日

和憲石桴庵偶集成醉二首

初至銀臺署中雪窓對竹

人日

初補通叅入署口占

過賈膠侯新齋不遇率爾留題

送李玄佩督學金陵

量移後月下獨酌

沈石友孤舟垂釣二首

送沈石友之衛郡

題張舉之太平詩画三書四首

崇效寺靜觀長老禪院

雨中有懷二首

送汪千頃之衛源二首

立秋日二首

和坦公憲石報國寺松二首

庚寅仲秋八日憲石初度二首

九日登高同憲石坦公葆光今礎茂卿四

首

除夕二首

辛卯元日試筆二首

人日憲石召飲二首

京兆迎春

送許菊溪備兵商雒四首

送王蓼航太史賚 詔浙中

四弟商州書至

表弟李無奇讀書念園寄訊

次兒歲生旋里

飲孫北海芥舟

送蔣東英賚捧還江右

送董天來賚 詔楚中

送覺斯王宗伯祭告秦蜀四首

題趙開吾少司農画像卽贈別二首

送段王屋太常祭告本鄉二首

送宋雨恭相國謝政旋商丘二首

送謝芻蘿司農還章丘二首

贈馬生四首

送錢武子還應南闈試

送熊汝望少司寇還里二首

共城高廣文因登吾樓以筴書空洞九日

薛樓會集之作見貽却寄二首

送盛順伯旋京口

送李文侯工部權稅龍江關

送上官金鑑轉餉蘭州

送王悔庵工部權關杭州

送別

孫鍾元先生避地蘇門便寄二首

贈翟開子

奮生旋里應舉

偶得古尊端嚴可敬齋頭靜對有作

徐望仁招飲河房觀蓮

立秋夜

立秋涼風驟至

送趙開吾司農歸漢中

立秋後二日清泰寺送行有感

題党于姜意先山圖八首

褊心

奉和憲石入署卽事二首

署中初雪

除夕

元旦

壽張湛虛司馬二首

壽莊翁二首

癸巳三月廿日舉第三孫花前獨酌

人日憲石相國集諸同年飲二首

孫太僕夫人張宜人投井節烈詩三首

吳楚珩中翰觀歸二首

挽梁眉居五首

挽百歲翁登封范廣文先生

挽李筠圃司成四首

內兄至自里時亡荆錢孺人逝逾十年

亡媳張氏櫬還二首

排律

同鄉十六人飲韋公祠二十四韻

送懷順王湖南凱還拜賜之國

壽相國范太師

元旦紀恩

桴庵詩卷之三

河陽薛所蘊行屋著

男奮生

歲生

芊生

穎生

侄胤生較訂

五言律

眷阻

時有恒山寇信

非故憐兒女。年來心事殊。遭逢頻患難。骨肉且
斯須。雲暗恒陽戍。雪深相北途。征輶何處是。冷
月一輪孤。

其二

初冬若可到。臘至尚飄蓬。忽報圻南寇。心驚遠
道風。廿年兵火際。此日合離中。不寐欹孤枕。寒
燈照夜紅。

卽事

地藏陰陸。寒威逼太虛。雲深封蒼蔚。光盛觸
崑山。鬼宵吹火。狂飈晝閉廬。詎知陽一點。靈
尚如如。

初度

荏苒悲生事。蹉跎况此辰。年華仍遠客。海寓且
孤身。短髮摧兵氣。長歌夢水濱。遥憐西墅裏。又
見蚤梅春。

其二

四十七年過。歛歛百感并。暗流他日淚。翻悵此時生。禁豎新飛雪。家山故有情。欲歸頻未得。薄海正論兵。

歲晏有懷

烏兔年年度。勞人獨易過。韶華隨意去。歲晏復如何。天地推陳氣。松筠老故柯。百門泉水碧。春至澹生波。

報國寺市

移市從初地。喧闐破寂寥。松風雜語亂。禪磬出塵遙。躡武朱纓貴。連錢白馬驕。森森多寶肆。款識盡前朝。

禁城後、蘭若看、度冰車、水岸、卽故、英國張

公博、平郭侯、附馬、萬都尉、園亭

偶行禁水曲。一望一經心。冰艦恬然度。官雲依舊深。春容潛上柳。梵呪靜依林。隔岸朱扉在。五

侯孰與尋。

除日立春時。楚中山東用兵。

改歲明朝是。春光此日回。萬年開有道。多病閱
飛灰。夢澤蛟螭閑。龜山草木哀。奔騰憐暮景。仔
細對深杯。

故園

故園丹水曲。修竹與雲齊。澁溜泉聲咽。交柯日
氣低。遙嵐孤嶂雨。茅舍遠村雞。一自牽行役。徒

憐春草萋。

瞻拜

爲達明禋事。千秋拜舞同。鼎新靈不改。道貴曲
能通。龍劍干松籟。雕弧帶澤虹。何期將舉禮。猶
見魯儒風。

土地廟賽代男女口占

奔走緣何事。炷香薦悃誠。自經多患難。益覺重
神明。年鼓翻新曲。塗泥葺舊楹。敢祈坤軸奠。聖

世且休兵。

定府街

中山開代業。賜第百年榮。室是他人跡。街猶定府名。高門駝橐臥。喬木杜鵑聲。此地連官闕。春陰暮靄平。

堆雲橋

奇石堆何代。堆雲尚有橋。寒塘棲古水。老樹認前朝。雕鶚乘風度。牛羊下坂驕。妝臺遼后去。煙

雨但蕭蕭。

歲杪齋中盆梅盛開

故園梅幾許。此日見盆花。拂几香風細。尋溪幽夢斜。陰陽劃艮坎。天地鬪龍蛇。祝爾驚飈定。春山共暮霞。

守歲

寂寞殘冬盡。愁看物候新。乾坤揮涕日。河嶽欲歸人。往事徂良夜。閒官剩此身。挑燈渾不寐。清

切漏聲頻。

其二

歲月客中暮。驚魂逐逝波。神龍翻雪浪。崩電颭
星河。四海青烟接。中年白髮多。明朝候雲物。倘
可穩魚簑。

元日

胡然經歲改。俯仰意多違。萬事今華髮。青天未
拂衣。關情春草綠。入夢野烟飛。是日雙親酒。停

危望子歸

其二

客懷誰爲遣。况復更元正。到眼韶華異。逢春感
慨生。詩篇隨世路。水木對孤城。長日容吾放。乾
坤醉後情。

其三

避喧思謝客。元日掩荆關。靜對寒梅笑。閒看倦
鳥還。謫官拋俗累。午睡卽深山。却憶十年事。愁

來未可刪。

元日正陽門關帝廟

廟食遍天下。城闔烱濯靈。乾坤新漢鼎。俎豆自周銅。帶血烟雲上。羹牆陟降榮。載觀卜兆者。多是祝時寧。

人日初見月同芝三飲坦公齋

一年新見月。對月酒頻斟。永夜鄉關語。青春陵谷心。餘寒侵體薄。客况帶星深。廿載蒼生淚。沉

吟自古今。

寒食

故里逢斯節。家家拜掃期。新阡多戰後。荒曠斷煙時。草色濛靈雨。風聲泣老鴟。他鄉更留滯。怵惕竟何之。

其二

春事堪惆悵。輕風又一年。窺人新柳眼。媚雨野花天。餒鬼郊墟滿。長烽海嶠連。漫言逢禁火。千

里幾炊煙。

遊西山甫出郊外途中口占

乍到郊垌外。悠然興若何。花風吹面軟。鶯語帶
雲和。恍覺家園近。遙憐野樹多。青山能速客。步
步嚮煙蘿。

慈壽寺

慈壽何年寺。塏光日影深。竹房餘虎跡。松梵自
龍吟。萬象隨隆替。香林閱古今。遍尋碑碣罷。感

慨對遙岑。

石經山

到此褊心去。廓然灑氣通。高甍疑就日。幽洞欲
藏虹。曲折忽無路。虛明時有風。桑乾何代水。混
混見洪濛。

石經山絕頂塔院

一塏最高層。孤筇帶磬升。窓風齊萬壑。佛日散
千燈。僧暝言前偈。虎眠竈下藤。紅塵離幾許。欲

此叩金繩。

戒壇

龍象何年至。林巒此地偏。皈依天下是。戒律古
僧傳。暗谷藏靈雨。丹樓發浩烟。無然歸騎促。海
氣正纏綿。

戒壇聽僧言感事

何地無興廢。茲山事可論。崩崖敬佛脚。虛洞坼
雲根。世俗輕神鬼。陰陽有旦昏。老僧休浩歎。但

看古乾坤。

洪光寺

到門方見寺。倚檻欲憑虹。巖黑深藏魅。窓虛時
過風。鐘聲杳藹外。日氣有無中。漫問安心法。溶
溶萬象空。

宮主出家寺中香火甚盛

甘心辭鳳吹。稽首禮蓮臺。誰道百年後。依然古
梵開。市朝經幾變。香火自從來。爲問長陵樹。何

時龍馭回。

五日飲城南湖亭，同王調坦公、環中平侯。

卽席賦。

水閣浮高檻，湖光吞去聲遠山。菰蒲宜節候，魚鳥
白幽閒。何處紛征騎，茲遊醉客顏。居人迷晉魏，
鎮日聽潺湲。

其二

岸樹林林起，池魚發發幽。百年猶此地，我輩尚

能遊。碣石海光立，火雲天際流。醉來渾不厭，衣
袂欲生秋。

其三

時有圃人送瓜至

遠風吹暑去，老圃送瓜來。落日孤邨靜，浮雲萬
慮灰。望中餘大野，戰後有高臺。坐羨投林鳥，翩
翩羽翼回。

立秋日，成青老、高璉佩、周寧章、王敬哉、招
同劉憲石、白子益、李吉津、汪園登眺。九

首是日小雨

結廬同大隱。近市不聞喧。看竹疑行野。入門方
見園。雨餘香到座。碁靜鶴窺軒。勝友猶斯會。誰
能遜綠樽。

其二

到此羣塵避。况當秋令回。脩梧看葉下。涼雨自
天來。萬象同徂暑。虛舟付劫灰。濁醪不惜醉。扶
掖更登臺。

其三

憑虛恣眺遠。極望意悠悠。闐闐笙歌在。雲霄丹
聖留。遙天迷漲雨。衰髮畏逢秋。日暮暝煙上。蒼
茫送旅愁。

其四

堆雲學遠岫。積水漲平池。俯檻魚龍躍。開簾洞
壑移。綠莎踏處軟。翠篠坐來滋。翻怪清風至。寒
生六月時。

其五

帝里名園盡。城闔此獨尋。廢興今昔淚。杯學友
朋心。大野橫秋早。千峰入夢深。隔垣猶古市。疑
有漸離音。

其六

招隱思深谷。過廬忽晚山。欹崖疑小有。何時鍊
大還。積雨千林沐。開扉盡日關。醉來渾欲住。枕
石聽潺湲。

其七

文會逢偏地。脩然吟興清。曲房生逸韻。喬榭入
新英。千里鄉關道。十年聚散情。不堪蕭瑟思。隣
舍起砧聲。

其八

高風來枕簟。隱几北窓涼。堯曆經新節。僊書却
老方。車塵簾幙遣。詩思水雲翔。羨爾中林叟。羲
皇若可望。

其九

聖世容高臥。吾今兩鬢華。生涯惟頌酒。閒處便
看花。開卸風前槿。陰晴天外霞。栖栖何爲者。日
暮見林鴉。

得四弟商州家信

遠見商南使。開緘萬慮西。封書八月到。別淚幾
行啼。時正飛鴻鴈。山猶駐鼓輦。親心知可慰。期
不負烝黎。

其二

遙傳兵火後。殘郡萬山邊。古木空庭見。荒藤廢
井懸。漸回新雨露。稍集舊人煙。憶汝衙齋寂。休
吟棠棣篇。

寄四弟問商山之勝

商山曾幾上。勝孰比中嵩。是否龐眉老。還如紫
芝翁。松崖太始雪。石竇古皇風。便欲凌危巘。高
空駕晚虹。

四第書中極言殘郡之苦自矢一錢詩以
堅之

聞說山城內。秋風但颯然。扉空容鶴舞。庭並鮮
魚懸。白月青松入。綠蘿碧澗穿。雲霞看足飽。况
有古芝田。

八月初七日爲錢孺人誕辰

誕日今何用。傷心歷歲年。那堪蘋藻薦。又值仲
秋天。老態隨官况。悲風自莫田。兒童知跪拜。

似慶生前。

其二

汝歿當何世。余衰竟此時。豈知生歿別。遂判古
今期。宿草摧寒雨。西風叫夜鴟。所祈憑夢到。恐
認舊京疑。

讀丁塾鶴化人遊傳奇二首

弔詭化人傳。壯遊託綵毫。孤舟容世界。萬象等
波濤。魚腹仙源悶。渦涎蠻觸勞。鶴歸緣底事。遮

莫黑風高。

其二

彷彿橋中叟。紛紜一局棋。勝籌誰預定。冷眼覷
多時。鼉浪海天仄。鯢風星宿移。虛舟塵世外。漂
泊信吾之。

憲石初度

生平蘭蕙契。相閱幾天涯。君更逢初度。余偏感
歲華。聯詩雙客夢。對酒共悲筵。落日蕭蕭暮。秋

風何處槎。

其二

愁見海田茂。同憐晚景侵。十年生日淚。華髮故
人心。歲月仍朝暮。山河竟古今。裁詩賡燕喜。莊
舄有哀音。

次兒歲生誕日

駒影催人邁。兒童漸長成。攻文寧熟理。啖栗喜
知名。海內煙塵接。儒家素業輕。客中添一歲。衰

颯老夫情。

和憲石桴庵偶集成醉

天涯存密契。丈室更追歡。不厭清樽興。相看旅
鬢殘。霜華雕老樹。月色冷疎闌。靜夜忽聞角。深
譚欲挂冠。

其二

狂處交情見。招邀信所之。故人今幾是。吾道已
如斯。大漠通寒夜。中原轉戰時。茲生真宜醉。可

怕玉山欹。

初至銀臺署中雪窓對竹

愛爾虛窓竹。娟娟靜綠侵。雪疎添氣韻。歲晚益
蕭森。不改暄寒色。誰堪閱歷心。翻疑遷客幸。乍
得到山林。

人日 巳丑

今日又人日。陰晴更一年。歲時憐率爾。五十淚
潛然。生事升沉外。鄉心戰伐邊。歸歟如可問。未

敢說花前。

初補通叅入署口占

嬾慢年來慣。驅馳此日初。凍雲藏短髮。澆塊觸
華裾。天地兵戈在。閭閻疾痛餘。懷安吾詎敢。封
駁竟何如。

過賈膠侯新齋不遇率爾留題

精舍對城陰。蕭然物外心。松窓延雨氣。竹籟和
風吟。似向清溪隱。誰言白嶽深。子猷乘興至。慙

意獨幽尋。

送李玄佩督學金陵

學圃榛蕪日。斯文今在茲。嶽高山有鎮。河廣梓
能楮。魑魅慙犀理。蛟龍奮雨師。江南繁麗地。六
代起風規。

量移後月下獨酌

萬事吾何有。無然笑拙迂。虎龍恣攫逐。牛馬信
招呼。痛飲騷爲友。忘機天與徒。一言聞不礙。白

月到窓孤。

沈石友孤舟垂釣圖二首

經綸方鼎盛。幽意嚮菰蒲。似水心常靜。扁舟興
不孤。綠簑紅蓼雨。白鷺遠江圖。范蠡功成後。還
堪長五湖。

其二

郭郭虛舟思。瀟湘獨釣時。采蘅芳沚外。落日遠
天垂。軒冕寧吾事。龍蛇信所爲。隱侯誰復續。八

詠對江鱈。

送沈石友之衛郡其舊遊地也

十年陵谷變。遺愛歲時新。此去佳山水。還歸舊
主人。題詩鐫古壁。灑淚對災民。香稻共成路。遙
憐五馬春。

題張舉之太平詩回三書四首

尋常官况外。別具一經營。不借脂膏潤。全憑山
水行。雲霞懷袖出。吟嘯古今情。勝地風流譜。虛

傳謝朓名。

其二

塵事何容着。蕭然寄遠心。乾坤憑放眼。泉石感知音。六案煩囂屏。千林杳靄深。洪濛疑可卽。丈室起陰森。

其三

君家書畫圃。此意更悠然。謝李登臨興。江山几席前。真同金馬隱。常傍白雲眠。一帙小天地。栖

少。五嶽結志。但名山。何似并州意。彙之簡。帙間。煙嵐歸橐。遠流水與心閒。鴻寶千年秘。石稜若可攀。

崇效寺靜觀長老禪院

初地絕塵喧。城隅似遠村。高槐籠傑閣。紆逕長芳蘂。雨過香生院。客來鳥候門。觀心忽有省。孤

磨欲忘言。

雨中有懷

淅淅寒霖色。空齋獨坐時。遙天低濕霧。積水漲
平堤。虎兇遐方野。鷓鴣白晝饑。蒹葭秋浦濶。彼
美竟何期。

其二

暝雨四山至。栖栖倦鳥過。他鄉青鬢改。千里暮
雲多。不復期霄漢。何時穩薜蘿。百憂聊附酒。慷

慨一高歌。

送汪千頃之衛源二首

送君何處去。匹馬太行阿。客路頻雲水。秋天老
薜蘿。鐵丘涼月迥。牧野廢田多。憑寄靈泉語。人
今兩鬢皤。

其二

客裏愁逢別。况當秋早行。西風落葉路。涼雨故
人情。過處聞鴻鴈。到應采杜蘅。蒹葭水一曲。爲

問舊柴荆。

步秋日二首

颯沓生旅愁。悲涼畏到秋。如何天北極。又見火
西流。古木遙連角。寒山晚入樓。年年感霜雪。那
得不盈頭。

其二

西風又若何。暮雲凝望遠。霜鬢入
花。落。流。子。與。鴈。過。遙。憐。河。北。屋。煙。

浦晒澳叢。

和坦公憲石報國寺松二首

雙松何日種。蠹兀祇園間。詰曲盤雲勢。蕭疎與
磬閒。京華元大隱。風雨卽深山。過眼興亡事。蒼
蒼總不關。

其二

其與僧同定。何妨近市喧。截空橫遠蓋。當暑失
炎暎。一望煙嵐思。前朝雨露痕。秦封班日觀。直

作外藩論。

庚寅仲秋八日憲石初度二首

年年逢初度。把酒更裁詩。其奈乘秋令。又添一
歲時。乾坤雙涕淚。海嶽各心期。往事隨流水。何
辭倒玉卮。

其二

所歡復幾許。吾計已蹉跎。客舍生辰酒。清秋子
夜歌。孤懷追往劇。落葉下空多。觴罷聞鴻雁。寒

雲以故過。

九日登高同憲石坦公葆光今礎茂卿四

首

登高留僻地。城闕儼幽林。野水新霜入。寒山晚
翠深。京華今古跡。臨眺歲時心。把臂容吾黨。相
看鬢雪侵。

其二

去年逢此日。作賦愴同遊。其那重臨處。颯然又

杪秋。古壇存老檜。急鴈過寒流。無限低徊意。蒼
蒼一望收。

其三

九日清秋節。誰兼宋玉悲。憑高一以眺。紛至萬
重思。帝闕樓臺迥。人家闐闐疑。那堪逢搖落。獨
立冥煙時。

其四

客况年年劇。孤懷悵望開。白雲迷蔓楚。黃葉下
空山。詩酒憐同調。風霜上老顏。遙嵐千里外。何
處是鄉關。

除夕

五十一歲序。半是客中過。亂後生有幾。曰歸竟
若何。此宵漏轉惡。明發齒加多。罇酒綿綿思。燈
前對歎歌。

其二

羈懷堪老大。况復歲將除。正臘中宵變。家山百

戰餘高風乘析送。急景下簷虛。不寐并長夜。誰
憐星漸疎。

辛卯元日試筆。是年以哀詔禁拜謁。時
久不作詩矣。

靡靡冬云邁。駸駸又一年。研田蕪處澁。子舍夢
能前。涕與遺弓墮。春歸北闕偏。占雲何限思。
薄海望堯天。

其二

倏爾又斯日。悠悠百感生。八年新景運。羈旅舊
神京。官况惟宜酒。廟謨願偃兵。并從時禁後。
消晝絕逢迎。

人日憲石召飲。同思石葆光玉調夢禎坦
公雪後嚴寒醉真易酒樂甚。

朋好天涯聚。相看各鬢衰。韶華七日過。陵谷十
年疑。雪色侵書幌。寒威到酒卮。擁爐渾不厭。新
月嚮人窺。

其二

令節逢人日。初筵許更過。主賓勞慰藉。天地足
悲歌。佳醞名非忝。新詩感倍多。流年同逝水。獨
醒奈春何。

京兆迎春

蒼龍青馭屈。寅迓始郊扉。歲事修京尹。春光擅
帝畿。柳含新葢碧。花發故山微。却羨條風信。年
年先客歸。

送許菊溪備兵商雒四首

目送雙旌去。臨岐倍愴顏。長安無密友。落日下
商山。公廨遙連虎。城門壞不關。獨憐稀吏事。高
詠紫芝閒。

其二

菊溪與余同庚

廿載紉蘭契。千山看獨行。石芝誰共餒。白髮愧
同庚。天下秦關險。商於寇壘平。公餘何所有。木
葉嘯猿轂。

其三

知子抱幽意。之官不厭貧。寒簾高瀑入。行部衆
山春。曠土遺黎耨。遙林暴虎馴。翻憐綺季輩。徒
隱未關民。

其四

有弟商州守。三年憂患深。憑君鎖鑰寄。慰我鶴
鳴心。峽水流棊韵。木苗長石林。逍遙六館在。曠
代一相尋。

送王蓼航太史賞

詔浙中

暫輟鵝頭草。春風信壯遊。詔書開百越。驛騎
下中州。詩興山光入。王程江水流。無然稽返櫂。
側席正旁求。

四弟商州書至

封書何日發。讀罷又霑襟。商雒來人處。春天聞
鴈心。亂山連楚戍。一水出桃林。知有思親夢。悠
悠歲月深。

表弟李無奇讀書念園寄訊

念園編舍北。表弟讀書聲。蠹簡吾曹事。雲霄幾
日程。花香墨瀋入。文牖竹風清。惟有相思夢。年
年春草生。

次兒歲生旋里

幾年從薄宦。此去意何如。故井墟煙後。春風陵
谷餘。野食隨旅宿。芳草認茅廬。爲覲高堂語。吾
今一齒疎。

飲孫北海芥舟閣書。画出海外。魚鱗相啖
文會悠然賞。高齋石氣侵。圖書何代蹟。懸弔我
曹心。隱几松風夢。芳筵海國琛。翻疑越范蠡。煙
水五湖尋。

送蔣東英賫捧還江右

高旌何去急。遠徼始銷兵。百戰江山地。三春鴻
鴈聲。來携鈴嶂月。歸棹楚湘蘅。莫悵南雲阻。微
黃日下程。

送董天來賞 詔楚中

知君詩有癖。况是楚鄉行。芳草通沙市。青山見鄂城。片帆新戰後。落日遠江聲。雲去蒼梧野。搖搖萬古情。

送覺斯王宗伯祭告秦蜀

夙昔多遊興。茲行萬里心。秩宗新洽禮。滌海望爲霖。鎖鑰關河險。荆綦棧閣深。西南猶戢鼓。喻蜀有佳音。

其二

懸指躋攀處。蒼然太華蹤。應疑凭廣漢。真欲跨飛龍。靈爽金天肅。歲蕤玉磧重。驚人須有作。搔首嚮何峰。

其三

親串多艱後。羈棲念客程。夕陽匹馬去。遠道故人情。芳草諸陵沒。高雲古嶽橫。碧雞何處是。峽樹挂猩猩。

其四

憐君西去路。多是少陵遊。載命王程迴。傷心兵
火留。鐵堂峽水闌。木嶺夜猿愁。異代題詩碣。雕
鏤萬古秋。

題趙開吾少司農画像卽贈別

泡影誰容着。迥然太始間。經綸留近。闕。杖屨
但名山。入座青松老。高雲流水閒。紅塵無夢到。
林鳥自關關。

其二

周鼎維新後。漢陰疏傳歸。急流憑返棹。白首遂
初衣。鷗鷺江天曉。谷陵心事違。年年春水上。花
氣撲渙磯。

送段王屋太常祭告本鄉

濟瀆卽在本邑

鄉心誰與語。王事念君歸。落日孤雲遠。長安先
輩稀。麥風翻大旆。燎火上明衣。古廟松杉合。貞
珉邑里輝。

其二

載命同人事。家山獨壯遊。到門朝典禮。負弩邑
諸侯。勲掌千林靜。玉川一水幽。受釐宣室待。歸
轡肯淹留。

送宋雨恭相國謝政旋商丘相國新砌假
山多奇石。故次章及之。

其秦蒼生望。驚看謝傅歸。草堂深綠坐。金鑑出
黃扉。誰穩江湖夢。君非薜荔衣。蒲輪知計日。未

許戀渙磯。

其二

片帆輕一葉。霖雨下商丘。雪苑梅初熟。汴河水
自流。酒無塵事奪。詩有故人酬。為問新山岫。閒
雲幾處幽。

送謝苧蘿司農還章丘

不獨都人情。司農去國初。幾年頻減賦。一葉竟
何如。岱海烽煙在。乾由疆理餘。歸休君計得。誰

復更那居。

其二

得結星辰履。如同三代英。孤雲瞥爾去。青眼嚮
誰明。書帶歲蕤色。鵲湖款乃聲。東山安石月。還
起照蒼生。

贈馬生

并序

德襄馬生。山左名子衿。博學有道術。譚西域
星數之。多奇中。名噪公卿間。艷景純。管公
明之流歟。古云。通天地人。是為儒。馬子之謂
矣。贈四詩。

馬子山東秀。翩翩文思奇。數探西極奧。道大北
來時。神鬼虛靈舍。風雲叱咤期。博通儒者業。淵
默亦何師。

其二

不屑埋鉛槧。冲然與帝通。星辰供指使。寤寐見
鴻蒙。斗酒煙霞外。名山杖屨中。孤懷兼顯氣。縹

縹信天風。

其三

意氣干霄峻。毓玄萬事慵。漆園時應馬。柱下道猶龍。神劍匣中色。閒雲海上峰。勞勞垂帶悸。何日一相從。

其四

棲真別有術。不必離人羣。博涉丘墳理。兼通莊列文。呪泉巖瀑立。投袂海雲分。靜夜囊中訣。龍

雷時一聞。

送錢武子還應南闈試

北闈有尼之者

誰意炎雲下。匆匆又別離。孤帆零雨後。薄俗忌才時。到處生詩興。臨岐戀酒卮。江鄉多桂樹。先撥自南枝。

送熊汝望少司寇還里

官況今如此。憐君拂袖還。生民誰寄命。世路且投閒。風雨龍蛇久。荻蒲水石閒。翻愁逢束帛。信

宿嚮何山。

其二

共道儀刑遠。離筵惜此辰。日邊榆社酒。林下鼎
衡人。拔劍千山暮。驅車六月塵。雲霞康濟急。恐
未是。

共城高廣文因登吾樓以筴書空同九日
薛樓會集之作見貽恨焉蘇門山水之
感却寄荅高空同詩內有吾欲采芙蓉

之句故首章及之

何自瑤華至。鄉心觸望幽。詩才推北地。高士憶
南州。六月熇塵暗。蘇門自水流。芙蓉誰共采。煙
雨敞吾樓。

其二

客路今胡底。層樓水一方。推窗孤嶂月。到檻野
蘅香。地隱鸞龍嘯。山猶虎豹藏。美人何處是。葭
菼暮蒼蒼。

送盛順伯旋京口

海內文章伯。乾坤俯仰情。十年重一晤。六月更
長征。空灑河山淚。愁聞鴻鴈聲。金焦須我至。携
手掣江蘅。

送李文侯工部權稅龍江關

虎踞龍蟠地。雄關鎖石城。六朝青草色。千里暮
江聲。吳楚今王會。梯航舊水衡。知君多古思。憑
弔亦何情。

送上官金鑑轉餉蘭州

輕輶何處去。萬里過秦川。驛路觚鶻遠。羗雲鳥
鼠懸。人家新戰後。乳酪晚炊前。賸有金城畧。西
陲會晏然。

送王悔庵工部權關杭州

世路頻相慰。簡書動別愁。夕陽燕市筑。客夢浙
江樓。亂後湖山色。凋殘竹木秋。岳侯祠下過。能
不弔神州。

送別

冬杪懽重晤。春初復送行。那堪逢落日。芳草伴歸程。柳色依人意。河流向遠聲。陽關歌一闋。相視若為情。

孫鍾元先生避地蘇門便寄二首

昔賢遺嘯路。復見裔孫行。落日荒臺古。前時戰壘平。白雲還嶠色。灌木亂泉聲。知有滄洲興。遙同川上情。

其二

世路誰安土。君今水竹依。地偏聊寄跡。道大白如歸。入座春風煦。談經玉屑霏。草玄亭一舍。羈勒寸心違。

贈翟開子

開子、青州豪俠士、美髯、

翟君當代士。倜儻古人風。家學傳青社。山房對雪宮。掀髯天下小。逸足驥羣空。才大終能遇。孤卿醉眼中。

奮生旋里應舉

文戰共城去。多才見彙征。驩霜爭道疾。鵬鶚嚮
風輕。亂後一經業。清時五嶽情。弓裘憑付汝。好
爲穩柴荆。

偶得古尊端嚴可敬齋頭靜對有作

法物傳何代。蒼然几席珍。色能迷檻竹。靜欲滌
心塵。頗訝希同調。真疑對古人。炎雲誰執熱。世
外澹相親。

徐望仁招飲河房觀蓮

不殊罨画舫。漱灑芰荷開。流水浮杯去。青山入
座來。近塵疑到野。列雉儼成臺。賀監何多事。鏡
湖乞遠回。

立秋夜

又是新秋至。高空霧影沉。宦情經老澹。客夢與
年深。落葉觀人事。寒花憶石林。繁憂誰爲遣。虛
歎二毛侵。

立秋涼風驟至

金序潛相代。涼風頓颯然。澄霄橫顥氣。一葉下高天。大化渾無住。浮生詎有權。由來明達者。默識在幾先。

送趙開吾司農歸漢中

何計留征旆。秋風班馬聲。老成辭闕淚。多難故人情。孤劍秦川迥。輕裝蜀棧平。松扉須甃憩。日下有弓旌。

立秋後二日清泰寺送行有感

秋風吹短鬢。况是送歸時。鴻鴈頻看去。青山何處期。夕陽行客淚。落葉異鄉思。却羨僧房檜。清陰歲不移。

題党于姜意先山圖

回矚嶺

宛爾峰回處。蒼然岫岫幽。密蘿扳不厭。白曉晝長留。馬首沙風逆。鹿泉石氣秋。何當人境外。常

此豁煙眸。

泠然臺

詎料披圖得。層臺夕照邊。京華遙想像。吾意已
泠然。曉月秦川樹。孤筇劍外天。青冥疑可卽。習
習枕風眠。

空心潭

沖融奚所着。窈窕一潭空。月上生虛白。潮來自
混蒙。觀心微有省。靜息若爲通。淵默遙相賞。天

風澹蕩中。

長虹渡

石梁橫曲磴。黝窅谷煙平。矯若長虹挂。遙通衆
壑明。夕陽歸鹿隊。寒雨暮潮聲。色色皆如畫。何
山着屐行。

縱雲壑

何處孤雲起。油然大壑陰。卷舒疑有爲。膚寸欲
成霖。可是自怡日。空懷持贈心。秋風松嶺畔。漠

漠嘯猿深。

尺五樓

絕巘危樓敞。空蒙萬壑齊。窗開吳嶽小。檻俯
雲低。廣月臨青漢。遙天見碧雞。年年葵市望。何
日遂幽棲。

堯玄洞

靜幽深不測。邃古壁煙青。嵌竇流鍾乳。石床注
道經。雲封疑失晝。龍睡竟忘醒。遂欲披蘿入。丹

砂學鍊形。

溪外鐘

萬籟間幽林。泠泠溪水深。逶迤何澗曲。縹緲遠
鐘音。落葉清霜迴。空山白月沉。遽然高夢覺。此
際有遐心。

扁心

扁心笑所用。溟滓與遊時。歌哭誰同調。龍蛇爾
任爲。閒看種樹傳。迂笑候人詩。別有香風夢。嵩

岩厚石脂。

奉和憲石入署卽事

伊昔橫經地。追隨復此年。同文開盛治。白首更青蠶。玉署浮霜迴。皇恩湛露偏。一編聊自哂。衰颯媿諸賢。

其二

熙代文明運。琅玕集禁林。闐風三島接。堯日五雲深。謨誥單思處。夔龍步武心。花階無俗事。時

共老槐吟。

署中初雪

仲冬天始雪。鶴禁闐清幽。委積迷鴛瓦。紛披點玉溝。曉分書幌入。澗與墨池流。奈有思歸客。蕭蕭冷敝裘。

除夕

一年餘此夕。心事益蹉跎。白髮垂將滿。青山計若何。風塵連楚澗。雨雪入燕多。不果思親夢。悠

悠午夜過。

元旦

時有震疊之政

旭旦卿雲爛。青陽佳氣新。車書初一紀。曆象正三辰。薄震京華肅。和風寓縣春。無能申獻替。端拱祝堯仁。

壽張湛虛司馬

束髮事先生。終身趨步情。那堪離別久。常見歲華更。道大青山穩。名藏綠莖榮。一卮遙寄祝。十

里思盈盈。

其二

卷却經綸業。悠然水石鄰。幾回思漢臘。彷彿是秦人。鳳羽丹青迴。鷗羣白社春。高山誰仰止。吾道有先民。

壽莊翁 并序

翁今京兆李啟臨尊人也。世以麟經顯。令濟源。有惠政。嗣君啟臨亦令濟源。適翁八袞壽。

新被 覃恩。啟臨迎養京兆署中。諸君子賦
詩侑觴。余舊隣昨亦勉爲五言四韵者二。
父子栽花地。於今濟水香。一亭琴續響。八袞髮
初黃。舊澤留盤谷。新恩出建章。承歡京兆署。旦
日慶雲翔。

其二

不必安期術。居然邃古遊。風期規薄俗。杖履見
前脩。燕翼文孫接。麟經令子讐。雍行肇禮下。

老近天休。

癸巳二月廿日衆第三孫花前獨酌

客裏逢花發。添丁慰此辰。一尊聊盡醉。千里可
娛親。幸有遺經在。何妨拙宦貧。明年知學語。攜
話故園春。

人日。憲石相國集諸同年飲。燈火甚盛。菊
潭。坦菴。憲石各有作。亦草草成二律。時
坦菴。礪岳初入都。

燕京存洛社。嘉會歲方新。白首追歡處。十年再
晤辰。華燈連月色。火樹發庭春。忍負良宵興。相
看幾故人。

其二

遲暮嗟無補。支離笑此生。拙元迂仕路。老益重
交情。典劇春宵促。狂來世法輕。願言常卜夜。醉
酣更何營。

孫太僕夫人張宜人投井節烈詩

朔風吹大漠。千里見狼奔。耻下悲笳淚。其篇
井魂黃雲封野樹。黑霧漲山村。憑弔心何限。盈
盈古水存。

其二

三節一門秀。宜人後處榮。憑將存厚地。非止殿
幽貞。薄海新頒朔。荒泉舊勒盟。香魂應有託。漫
說壘書旌。

其三

心堅匪石轉。牽挽力徒窮。黃鵠無還翼。清泉有
斷虹。羅裙香蔓草。寶曆振天風。厭見十年事。景
陽官井紅。

吳楚新中翰視歸二首

皇天孰可問。之子事堪論。家難頻兵火。宦歸但
旅魂。斷雲迷婁旆。清世失瓊璫。落日邛山道。新
阡何處原。

其二

文章憐已達。魂魄奈空歸。千里騏驎喪。晴天鸚
鵡飛。無家聊宿櫬。有子尚啼饑。莫拔關心淚。途
人並濕衣。

挽梁眉君五首

過洛空遺歎。客燕竟未遊。典型昭代惜。風雨異
鄉愁。瑯珮朝羣帝。鴻文閉一丘。長河松栝路。流
恨幾千秋。

其二

天上憇星階。人間梁木摧。親朋空灑泣。朝野正
需才。陰火玄堂闕。驚風白日哀。何年華表柱。重
馭鶴飛回。

其三

難後憐吾黨。京華尚此身。山河長恨日。天地不
歸人。卿月清風古。陵原白旆新。那堪鄉國淚。生
歎更浮巾。

其四

秋雲橫大漠。濛雨暗孤燈。盛世夔龍喪。中原嶽
麓崩。輻帆歸子子。壠樹遠層層。會有東封詔。遺
書訪茂陵。

其五

文章傳雪苑。鼎鉉重楓宸。坂峻方馳驥。書成遂
獲麟。乾坤空出涕。邦國更何人。欲避西州路。其
如南郭隣。

挽百歲翁登封范廣文先生

少容誰及記。父老識青氈。甲子齊堯曆。雍熙逮
舜年。種松高嶽寺。避寇長魯玄。從此泉臺下。喧
傳得地僊。

挽李筠圃司成

猶作褒斜夢。胡然天喪文。十年離別恨。一旦
生分。無復先民矩。空悲斷鴈群。西風憑寄淚。何
處灑孤墳。

其二

傳記銅龍直。委蛇珠樹林。驂駟長並轡。風雨夜
聯吟。孤劍纔南北。浮雲竟古今。滄桑連譜牒。生
死各霑襟。

其三

大雅凋零盡。嗟君長逝辰。交情誰念舊。天意忌
還醇。事業空回首。山河剩此身。漢江埋玉處。寂
寞野棠春。

其四

去歲緘詩訊。猶傳扶病開。那堪燕石詠。遂兆楚
些哀。暮雨迷秋草。悲風響夜臺。遺文徒滿篋。誰
遣茂陵來。

內兄至自里時亡荆錢孺人逝逾十年
傷心是久別。况復念情親。兵火天涯會。江山白
髮人。訊鄰廬半燼。感逝涕橫巾。一夕十年話。焉
知更漏頻。

亡媳張氏櫬還

子子靈輓邁。重泉永閉春。槿花休怨樹。石火靜
觀身。霧雨濛新塚。蒿原閃夜燐。最憐王父母。白
首淚盈巾。

其二

曰嬪家未覲。魂魄認歸途。落日低丹旆。寒田嘯
野颺。客中吾念媳。地下爾依姑。愁聽松風暮。颺
颺村一隅。

排律

同鄉十六人飲韋公祠二十四韻

名葩依古寺。清賞及佳辰。勝友聯鑣出。芳筵藉
草陳。平蕪浮鴨色。枯樹老龍鱗。墟落干戈後。荒
垌虎豹鄰。暮鷗啼鬼雨。寒火閃驚燐。眺喜西山
舊。瞻言北闕新。閒鷗還泛泛。駭鹿自甦甦。禹甸
區王土。周原料帝民。金臺千載沒。駿骨幾時振。
易水常歌咽。燕雲帶筑鄰。生涯樽酒綠。身世野
棠春。修稷遵前躅。求禪悟幻因。霞流天卷幔。花
落繡堆茵。地歷金遼介。遊供元凱倫。呼盧忘爾
汝。把袂更逡巡。邂逅重逢日。悲懽隔世人。奔騰
駒影駛。開謝槿花頻。丹竈葛洪遠。漉巾彭澤親。
桃源迷晉魏。煙洞狎康廩。枋口孤舟漾。羣林靜
鶴馴。三花榮岳寺。九曲對河津。莫待秋風起。方
期張翰尊。

送懷順王湖南凱還拜賜之國

聖業龍飛遠。王猷虎拜同。斗南開景運。海外一

華風。釐廟分圭瓚。班茅卽鎬豐。專征肅慎矢。闕
國楚江楓。彭蠡輕帆便。沅湘霽澤融。路車昭
帝賚。宛馬出。皇宮。文武周邦喜。蕃宣漢鼎雄。
遙聽鏡吹曲。嘹唳度歸鴻。

壽相國范老師

禹甸新堯曆。台星照海隅。握機杼策早。作楫濟
川須。祖武承華貫。皇輿啟奧區。高名喧九有。
光贊弼三無。玉帳威龍塞。金闈振虎符。大東闔

漢治。時夏藉臯謨。寓內生全衆。京華億兆蘇。百
寮爭式憲。一德自成孚。吐哺姬公亞。開誠蜀相
俱。包荒渤澥濶。鎮定泰衡孤。萬育陶甄業。多賢
汲引途。勲兼新息遠。封並平津殊。秬鬯召爲考。
山川虎作徒。庭階蘭遶膝。門闕履盈珠。平格天
行眷。昌言。帝曰俞。介觥傳御府。尚膳入家厨。
獻賦紛瓊玖。張筵盛瑟竽。蓬瀛仙籍永。却更羨
麟圖。

元旦紀 恩 并序

歲癸巳。實維

今上御極之十年。玉燭調和。海內乂安。元日昧
爽。朝服祗趨。恭侍

聖駕。詣堂祭畢。旋宮。百官醵立午門外。入

賀。有頃。吏部傳各部堂官。內院學士。詹事府
詹事。都察院左副都御史。大理。太常。太僕
寺。正卿。國子監祭酒。各科都給事。

南道。京畿道御史。呼名會東

闕下。移時。

上升殿。

諸王滿漢文武臣。行慶

賀禮。大班

賜宴。退集傳過諸臣。暫止

午門內東偏。候內院大學士至。引入。序立
殿下東丹墀。

上御露輦。自

殿左東門出。張曲柄黃龍蓋。一二金爐。導由太和殿正御道升。頃內大人二呼入。諸臣各手携坐氈。負貫進。升自左階。歷

太和、中、中和二殿。至

位育宮前西向侍。

上南面坐。大學士范先入。奉

旨。賜諸臣序坐。

詔大學士范。遍問諸臣籍貫年齒。有及科分履歷者。具以

聞。先是。大官預設饌案。罇彝於

宮前。稍下。至是。緝御。昇上

御案。幄以黃袱。袱用金寶飾。啟幄。器皆金。焜耀奪人目。隨

賜諸臣饌。銀器。炙肉膾。咸精美。米粒長而大。味甘香。不知何地出。

命進滿舞法。用二三十人。北面立。服一色文豹。人持箕一。丹巧之。皆繪虎頭。最西一人。少前。爲滿歌以節之。持箕者。齊以杖拉箕背。戛戛有聲。作磨折狀。似今太常武舞。用干式云。又少前。衣貂錦朱頂金帶者。四人。結隊舞。低昂進退。有度數。雍容閒雅甚都。一隊畢。輒更一隊。四更隊乃已。又進魚皮舞。魚皮部樂也。舞亦用四人。旁四人。撥琵琶。胡琴。佐已。乃進高麗人爲筋斗戲。僂捷過。爰獮。

上顧而樂之。輒大歡笑。再進關東樂。繼以教坊司樂。凡奏伎。輒

命大學士范傳諭此某某部伎云。起案緝御。更進果食熟肉。器用皆如前。梨園演雜劇。以大金觥酌上醞。飲諸臣。時日就暝。始命撤案。并果食。

賜諸臣携回。是日也。

天顏開霽。笑語一堂。交泰喜起。千載無二。臣何人斯。隨諸臣後。坐五雲深處。躬承異數。可謂不世遭逢。自顧樗散。何以仰會萬一哉。聊托鄙詩。頌颺。

聖恩。昭茲來許。用誌不朽焉。同日與宴者。自六輔臣而下。吏部尚書高爾儼。禮部尚書胡世安。兵部尚書金之俊。刑部尚書李化熙。

吏部侍郎孫承澤。成克鞏。戶部侍郎王永吉。趙繼鼎。禮部侍郎張端。呂崇烈。兵部侍郎張鼎延。刑部侍郎孟明輔。工部侍郎劉昌。學士劉正宗。魏天賞。左副都御史傅景星。大理寺卿王邦柱。太常寺卿段國璋。太僕寺卿黃熙胤。祭酒李奭棠。吏科都給事中魏象樞。戶科都給事中楊璜。禮科都給事中高桂。刑科都給事中袁懋功。工科都

給事中劉顯績。掌河南道御史朱鼎延。京畿道御史吳達。詹事則臣爵所蘊也。紀因并

詩

鴻猷方一紀。至德洽垓埏。元日看王會。條風動帝筵。班朝推食共。特召賜恩偏。趨走丹霄迴。逶迤玉殿連。采恩遲旭彩。闡闔映高躔。密邇依龍袞。霏微襲篆煙。八珍調尚膳。九醞溢井泉。宮萬殊方集。鞮鞞衆樂全。梨園時

雜俗。角觚術通玄。語笑從天下。光輝向日懸。辨方兼問姓。考職各詢年。餘瀝妻孥漑。溫綸宰輔傳。臯夔欣武接。蒲柳媿形孱。使器誠何有。懷忠尚勉旃。戴圓知廣大。履厚識貞堅。矢竭微塵報。還賡無逸篇。

量移弘文學士胡菊潭、宗伯劉憲石、同官

各贈排律、率爾奉酬

浮沉聊自哂。樗散遂餘生。用拙違時好。移官愧

聖明。絲綸同染翰。鼎鼐看和羹。近躡尚書履。

榮分學士名。一人頻問姓。啟奏問姓名者再深殿數傳

觥。上元日入直卽賜宴步惹爐煙裊。風回玉

闕清。都俞開治象。彌亮倚孤卿。薄劣嗟何補。投

詩慙報瓊。



